

清·方略館 編

清代 方略 全書

北京圖書館出版社



清代方略全書

一七八

清·方略館編

北京圖書館出版社

清·奕訢等撰

欽定平定陝甘新疆回匪方略

卷九〇——一〇二

清光緒二十二年（一八九六）鉛印本

欽定平定陝甘新疆回匪方略卷九十

乙



四年正月初一日

丁酉

科布多參贊大臣廣鳳幫

辦大臣奎昌奏言據委員托莫爾歡等稟報探
得古城漢城已於十一月十七日失守滿城附
近亦有賊蹤漢回及纏頭回逆約有一萬餘人
盤踞北套橋地方古城道路梗塞滿城情形如
何未能探悉等語

臣等查該匪兇燄甚張狡焉

思逞現聞新疆軍餉不日到科又復意圖東竄
攻撲科城人心倍覺驚惶臣等一面出示曉諭
一面札飭各旗蒙古王公等妥爲安撫近日人
心稍定督率在城文武員弁實力稽查並將各
要隘分派兵勇嚴密防範惟兵力單薄恐難持
久懇臣等一面札飭各旗蒙古王公等妥爲安撫近日人

恩飭催關內大兵星速前來以期掃蕩賊氛奏入

上命議政王軍機大臣傳諭明誼麟興車林敦多布保
恆惠慶廣鳳奎昌聯捷曰逆回勢甚鷗張古城漢城
現已失陷滿城刻下情形若何未據保恆等奏報由
科至古文報不通著廣鳳奎昌設法繞道偵探迅卽
知照保恆惠慶督飭在城兵勇慎密防範以待援師
廣鳳等仍當將科地要隘嚴密布置相機籌辦並著
知會巴里坤哈密等城一體嚴防奔突毋得專待關

內之兵以致緩不濟急坐失事機該逆聞軍餉不日到科意圖東竄攻撲科城其謀甚屬兇狡前據德勒克多爾濟奏稱山西撥解新疆餉兩次共十餘萬已由綏遠城轉解科布多其餘各省協餉並經戶部奏催迅解著廣鳳於此項餉銀到境妥爲迎護並著明誼麟興車林敦多布棟派弁兵沿途護解毋得稍有疏虞科屬人心驚惶經廣鳳等安撫稍定仍著會同

各旗王公妥爲鎮撫毋令浮言得以動搖新疆軍事
孔棘前經諭令聯捷俟黑龍江所派官兵到張家口
時卽行統帶進剿本日復經諭令寶善迅將此項官
兵催赴張家口著聯捷於該官兵到口時卽遵前旨
迅帶起程由科布多進剿逆匪毋稍稽延更官共指
上又命議政王軍機大臣傳諭寶善曰前因聯捷奏請
將黑龍江挑派官兵五百名帶赴新疆助剿當經諭

令寶善飭此項官兵迅速取道張家口交聯捷統帶
進剿茲據廣鳳奎昌奏探聞古城漢城失守滿城附
近有賊道路梗塞科城防剿情形喫緊此項官兵計
已起程著寶善仍遵前旨派員沿途嚴催迅赴張家
口以便聯捷統帶前進相機剿辦毋得稍有延誤

同日張集馨奏言臣自平涼起程赴省馳抵瓦

亭後經雷正綰撥給步隊兩營交臣帶往靜甯

相機進剿探聞高家堡等處逆賊麇聚驛路不通臣所帶只此兩營難以應敵遂於靜甯防兵內挑選槍兵三百五十名合諸羨卒共成一營正欲起程適曹克忠統帶馬步自秦州來探明高家堡路徑並知逆匪已於二十里鋪築壘遂約會臣將所帶三營並該鎮十二營各出八成隊伍計馬步六千餘人督率進剿甫經交鋒逆

匪紛紛敗遁我軍乘勝追至高家堡已革遊擊
秦國勝奮勇登陴衆軍士一擁而上立將高家
堡攻克該逆開門竄逸曹克忠親率馬隊跟追
三十餘里沿途截殺百餘人生擒三十餘人逆
匪下馬棄械翻山而遁堡內匿賊搜殺淨盡餘
賊分竄蕭河城及青家驛藏匿復偵探西路十
字堡等處有另股回逆屯聚西南路楊家山約

有一萬餘人曹克忠密派提督王得勝統帶四營屯紮城東堵禦蕭河城要隘總兵張在山等分路前進甫經出營馬賊已至州城河灘我軍迎擊該逆抵死抗拒曹克忠見賊勢兇悍卽親帶馬隊一營繞出賊後兩面夾擊賊遂奔潰曹克忠又令各軍盡力窮追斃賊四五千人生擒三百餘人奪獲器械牛馬以萬數計收隊回營

將生擒各逆研訊據供該逆因官軍圍攻固原甚緊屢遣馬百齡之弟馬彭齡赴雷營捏詞詐降適曹軍已到靜甯又將高家堡攻克我等家屬皆在蕭河城彰義堡青家驛等處若被攻擊必至受害是以調齊馬步各隊由靜甯入隆德過山卽是瓦亭使雷營腹背受敵如不得手卽徑趨涇平竄回陝境孫義寶仍在固原與雷營

抗拒使彼不疑等語訊明後概行正法臣卽刻

飛咨雷正綰務於瓦亭多紮數營以防該逆潛

繞小道現在各軍屯紮靜甯每日需麪二萬餘

斤查前存四十萬斤已爲該州黃松年別項支

銷此時顆粒無存各軍數日不得一飽雷正綰

各營軍糧亦極短絀黃松年概置不問曹克忠

現欲進攻蕭河城臣亦欲帶隊進省皆以軍糧

匱乏致阻師行刻下竭力籌畫一有頭緒均卽
拔營起程陶茂林一軍現於甘草店一帶紮營
駐守以顧省防所有此次打仗出力之副將魏
得春等相應開列籲懇

恩施奏入

上命議政王軍機大臣傳諭都興阿穆圖善雷正綰陶
茂林恩麟張集馨曰前諭都興阿等將曹克忠一軍

應否移紮靜甯適中之地爲陶茂林後路聲援妥籌
調派曹克忠現欲進攻蕭河城應如何節節進逼力
圖埽蕩之處仍著都興阿穆圖善雷正綰妥爲調度
張集馨現擬帶隊進省卽著趕緊前進與陶茂林恩
麟會籌布置以固省防陶茂林一軍紮營甘草店一
帶該提督務當嚴密守禦毋得稍有疏虞獲賊供稱
該逆因官軍圍攻固原甚緊曹軍已到靜甯是以調

齊馬步各逆由靜甯入隆德過山卽是瓦亭使雷營
腹背受敵等語逆謀甚狡該匪如赴雷正綰軍營乞
降該署提督不可墮其詭計致誤戎機逆匪既有使
雷營腹背受敵之說雷正綰尤當加意備禦毋爲所
乘靜甯各軍每日需麪二萬餘斤前存四十萬斤爲
該州黃松年別項支銷此時顆粒無存軍士數日不
得一飽雷正綰各營軍糧亦極短絀黃松年概置不